

Dawn Bowden AS/MS
Y Gweinidog Gofal Cymdeithasol
Minister for Social Care



Llywodraeth Cymru
Welsh Government

Eich cyf/Your ref DB-PO-0167-24

Russell George MS
Cadeirydd
Y Pwyllgor Iechyd a Gofal Cymdeithasol
Senedd Cymru
Bae Caerdydd
Caerdydd
CF99 1SN

19 Mehefin 2024

Annwyl Russell,

Yn dilyn cyflwyno Bil Iechyd a Gofal Cymdeithasol (Cymru) i'r Senedd ar 20 Mai 2024, amgaeaf gopi o'r Datganiad o Fwriad Polisi mewn perthynas â'r pwerau i wneud is-ddeddfwriaeth o dan y Bil. Darperir y ddogfen hon er mwyn cynorthwyo'r Senedd i graffu ar y Bil.

Edrychaf ymlaen at gyflwyno rhagor o dystiolaeth i'r Pwyllgor maes o law.

Byddaf yn angon copi o'r llythyr hwn at Gadeirydd y Pwyllgor Deddfwriaeth, Cyfiawnder a'r Cyfansoddiad ac at Gadeirydd y Pwyllgor Cyllid.

Yn gywir,

Dawn Bowden AS/MS
Y Gweinidog Gofal Cymdeithasol
Minister for Social Care

Canolfan Cyswllt Cyntaf / First Point of Contact Centre:
0300 0604400

Bae Caerdydd • Cardiff Bay
Caerdydd • Cardiff
CF99 1SN

Gohebiaeth.Dawn.Bowden@llyw.cymru
Correspondence.Dawn.Bowden@gov.wales

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.



Llywodraeth Cymru
Welsh Government

BIL IECHYD A GOFAL CYMDEITHASOL (CYMRU)

Datganiad o'r Bwriad Polisi ar gyfer Is-
ddeddfwriaeth

Mehefin 2024

BIL IECHYD A GOFAL CYMDEITHASOL (CYMRU)

DATGANIAD O'R BWRIAD POLISI AR GYFER IS-DDEDDFWRIAETH

Mae'r ddogfen hon yn rhoi syniad o'r bwriad polisi presennol ar gyfer yr is-ddeddfwriaeth y byddai Gweinidogion Cymru yn cael y pwerau i'w gwneud neu y byddai'n ofynnol iddynt ei gwneud o dan ddarpariaethau Bil Iechyd a Gofal Cymdeithasol (Cymru) ('y Bil'). Fe'i lluniwyd i gynorthwyo'r pwyllgorau wrth iddynt graffu ar y Bil a dylid ei darllen ar y cyd â'r Memorandwm Esboniadol a'r Nodiadau Esboniadol.

Prif bwrpas y Bil yw cyflwyno newidiadau sy'n:

- dileu elw preifat o ofal plant sy'n derbyn gofal;
- galluogi cyflwyno Taliadau Uniongyrchol ar gyfer Gwasanaethau Parhaus y GIG (CHC);
- gwneud diwygiadau i sicrhau bod Deddf Rheoleiddio ac Arolygu Gofal Cymdeithasol (Cymru) 2016 (Deddf 2016) a Deddf Gwasanaethau Cymdeithasol a Llesiant (Cymru) 2014 (Deddf 2014) yn gallu gweithredu'n llawn ac yn effeithiol.

Er hwylustod, mae'r ddogfen hon yn cynnwys gwybodaeth ar wahân ar gyfer pob darpariaeth yn y Bil sy'n cynnwys is-ddeddfwriaeth. Fodd bynnag, mewn gwirionedd, byddai nifer o'r meysydd hyn yn debygol o gael eu cyfuno a'u trin, er enghraifft, o fewn set o reoliadau. Mae cynnwys y ddogfen hon yn cyfateb i'r wybodaeth a ddarperir ym Mhennod 5 o'r Memorandwm Esboniadol.

Wrth ddatblygu'r is-ddeddfwriaeth, bydd Llywodraeth Cymru yn gweithio'n agos â rhanddeiliaid, gan ymgynghori lle bo'n briodol, i sicrhau bod y darpariaethau yn berthnasol, yn ddilys ac yn gymesur.

RHAN 1: GOFAL CYMDEITHASOL

PENNOD 1 – DARPARU GWASANAETHAU GOFAL CYMDEITHASOL I BLANT: CYFYNGIADAU AR ELW

RHEOLIADAU YN YMWNEUD Â	Caniatáu i Weinidogion Cymru ragnodi gwybodaeth sy'n ofynnol mewn cais i gael cofrestru i ddod yn ddarparwr gwasanaeth i blant o dan gyfyngiad
RHAN Y BIL	Rhan 1, Pennod 1
ADRAN	3(2)
DULL O DDWYN I RYM	Negyddol
DISGRIFIAD O'R RHEOLIADAU	

Mae Adran 3(2) yn mewnosod is-adran 6(1A) newydd yn Neddf 2016 sy'n cynnwys y pŵer i wneud rheoliadau.

Bydd y pŵer yn caniatáu i Weinidogion Cymru ragnodi gwybodaeth sy'n ofynnol mewn cais i gael cofrestru i ddod yn ddarparwr gwasanaeth i blant o dan gyfyngiad, er mwyn iddynt gael eu bodloni bod y person sy'n gwneud cais i ddod yn ddarparwr yn bodloni'r gofynion angenrheidiol.

Y BWRIAD POLISI A'R RHESWM DROS Y PŴER I WNEUD RHEOLIADAU

Mae Deddf 2016 eisoes yn nodi (yn adran 6(1)(a)-(c) rhywfaint o wybodaeth y mae'n rhaid ei chynnwys mewn cais i Weinidogion Cymru pan fo person sydd eisieu darparu gwasanaeth rheoleiddiedig yn gwneud cais i Weinidogion Cymru i gofrestru. Mae pwerau presennol yn adran 6(1)(d) ac adran 6(2) Deddf 2016 sy'n galluogi Gweinidogion i ragnodi gwybodaeth bellach ac ym mha ffurf y mae'n rhaid gwneud cais.

Mae'r pŵer hwn yn adlewyrchu'r dull a fabwysiadwyd eisoes yn adran 6(1)(d) Deddf 2016 (sy'n ymwneud â cheisiadau i gofrestru fel darparwr gwasanaeth), ac yn sicrhau y gall Gweinidogion Cymru ragnodi gwybodaeth y mae angen ei darparu yn achos cais i ddarparu gwasanaeth i blant o dan gyfyngiad, i fodloni Gweinidogion Cymru bod y sefydliad sy'n gwneud y cais yn bodloni'r gofyniad yn adran 6A(1) ei fod yn endid nid-er-elw. Disgwylir i hyn gynnwys gwybodaeth am amcanion neu ddibenion y sefydliad, a'r math o sefydliad sy'n gwneud y cais (e.e. cwmni elusennol cyfyngedig drwy warant heb gyfalaf cyfranddaliadau).

Drwy roi pŵer i Weinidogion Cymru ragnodi gwybodaeth y mae angen ei darparu yn achos cais i ddarparu gwasanaeth i blant o dan gyfyngiad, mae'r Bil yn caniatáu i'r broses ymgeisio gael ei hadolygu o bryd i'w gilydd ac yn galluogi hyblygrwydd i addasu'r broses os oes angen.

RHEOLIADAU YN YMWNEUD Â	Caniatáu i Weinidogion Cymru ragnodi'r hyn sy'n "fudd cyhoeddus" derbyniol y mae'n rhaid i amcanion neu ddibenion person sy'n cynnig darparu gwasanaethau i blant o dan gyfyngiad ymwneud yn bennaf ag ef
RHAN Y BIL	Pennod 1 o Ran 1
ADRAN	3(3)
DULL O DDWYN I RYM	Negyddol
DISGRIFIAD O'R RHEOLIADAU	
<p>Mae Adran 3 yn mewnosod adrannau newydd - 6A a 6B - yn Neddf 2016 ynghylch cofrestru mewn perthynas â gwasanaeth i blant o dan gyfyngiad a diffiniadau. Mae adran 6A(3) yn ymdrin â gofynion mewn perthynas ag amcanion a dibenion person sy'n ceisio cofrestru i ddarparu gwasanaethau i blant o dan gyfyngiad. Mae adran 6A(3)(a) newydd arfaethedig yn nodi "lles plant" fel 'budd cyhoeddus' derbyniol y mae'n rhaid i'r amcanion neu'r dibenion hynny ymwneud ag ef yn bennaf. Mae adran 6A(3)(b) yn pennu y caiff Gweinidogion Cymru hefyd ragnodi budd(ion) cyhoeddus eraill o'r fath.</p> <p>Mae'r pŵer hwn yn caniatáu i Weinidogion Cymru ragnodi'r hyn sy'n "fudd cyhoeddus" derbyniol y mae'n rhaid i amcanion neu ddibenion person sy'n cynnig darparu gwasanaethau i blant o dan gyfyngiad ymwneud yn bennaf ag ef.</p>	
Y BWRIAD POLISI A'R RHESWM DROS Y PŴER I WNEUD RHEOLIADAU	
<p>Bydd y pŵer yn caniatáu i Weinidogion Cymru ragnodi'r hyn sy'n "fudd cyhoeddus" derbyniol ychwanegol y mae'n rhaid i amcanion neu ddibenion person sy'n cynnig darparu gwasanaethau i blant o dan gyfyngiad ymwneud yn bennaf ag ef, gan ganiatáu i'r darpariaethau gael eu 'diogelu at y dyfodol' yn erbyn y posibilrwydd o ddod o hyd i fuddion cyhoeddus newydd.</p> <p>Gellir nodi mathau newydd o 'fudd cyhoeddus' yn y dyfodol, er enghraifft pe byddai endid nid-er-elw ar gyfer plant hefyd yn dymuno mynd ar drywydd amcanion/dibenion sy'n ymwneud â lles oedolion y mae angen gofal a/neu gymorth arnynt drwy ddarparu gwasanaethau i oedolion. Mewn amgylchiadau fel hyn, efallai y bydd Gweinidogion Cymru yn dymuno ystyried a allai pennu budd cyhoeddus newydd ganiatáu hynny, tra'n parhau i fod yn gyson â'r polisi.</p>	

RHEOLIADAU YN YMWNEUD Â	Caniatáu i Weinidogion Cymru benderfynu ar ddiwedd y cyfnod trosiannol ar gyfer gwasanaethau i blant dan gyfyngiad
RHAN Y BIL	Pennod 1 o Ran 1
ADRAN	4(3)
DULL O DDWYN I RYM	Drafft Cadarnhaol
DISGRIFIAD O'R RHEOLIADAU	
<p>Mae adran 4(3) yn mewnosod paragraff newydd arfaethedig 1(1)(b), mewn Atodlen 1A newydd i Ddeddf 2016. Mae paragraff 1(1)(b) yn nodi bod y cyfnod trosiannol ar gyfer gwasanaethau i blant o dan gyfyngiad yn dod i ben ar y diwrnod a bennir gan Weinidogion Cymru drwy reoliadau.</p>	
Y BWRIAD POLISI A'R RHESWM DROS Y PŴER I WNEUD RHEOLIADAU	
<p>Bydd y pŵer yn caniatáu i Weinidogion Cymru benderfynu ar ddiwedd y cyfnod trosiannol ar gyfer gwasanaethau i blant dan gyfyngiad, gan gynnwys y gallu i ymateb i'r angen posibl i bennu gwahanol ddiwrnodau mewn perthynas â gwahanol fathau o wasanaethau a disgrifiadau gwahanol o ddarparwyr gwasanaeth; er enghraifft, os yw cyflawni ddarpariaeth ddigonol o leoliadau nid-er-elw yn anghyson ar draws mathau o wasanaethau.</p> <p>Mae'r pŵer yn cydnabod y bydd angen ystyried i ba raddau y mae awdurdodau lleol wedi ymddatgysylltu oddi wrth yr arfer o ddefnyddio lleoliadau er elw, er mwyn pennu'r adeg briodol i ddod â'r cyfnod trosiannol i ben (h.y. yr amser y gellir osgoi neu leihau i'r eithaf y tarfu ar leoliadau i blant a darparwyr gwasanaethau).</p>	

RHEOLIADAU YN YMWNEUD Â	Caniatáu i Weinidogion Cymru ragnodi deddfiadau at ddibenion nad yw is-baragraff (3) o baragraff 2 yn gymwys iddynt.
RHAN Y BIL	Pennod 1 o Ran 1
ADRAN	4(3)
DULL O DDWYN I RYM	Negyddol
DISGRIFIAD O'R RHEOLIADAU	
<p>Mae adran 4(3) yn mewnosod paragraff newydd arfaethedig 2(4)(b), mewn Atodlen 1A newydd i Ddeddf 2016 yn ymwneud â threfniadau cofrestru trosiannol ar gyfer darparwyr gwasanaethau presennol. Mae paragraff 2(4)(a) yn nodi nad yw'r gofynion yn is-baragraff (3) – nad yw cofrestriad y darparwr gwasanaeth yn ddarostyngedig i'r gofyniad yn adran 6A(1) a bod rhaid i'r cofnod ar y gofrestr a gedwir dan adran 38 ddangos nad yw'r darparwr yn bodloni'r gofyniad o fod yn endid nid-er-elw – yn gymwys at ddibenion cais a wneir o dan adran 6(1) ac 11(1)(a)(i) o Ddeddf 2016.</p> <p>Mae paragraff 2(4)(b) yn nodi nad yw'r gofynion yn is-baragraff (3) chwaith yn gymwys at ddibenion unrhyw ddeddfiadau eraill y gallai Gweinidogion Cymru eu rhagnodi.</p>	
Y BWRIAD POLISI A'R RHESWM DROS Y PŴER I WNEUD RHEOLIADAU	
<p>Bydd y pŵer yn caniatáu i Weinidogion Cymru ragnodi deddfiadau at ddibenion nad yw is-baragraff (3) o baragraff 2 yn gymwys iddynt. Mae'n ategu paragraff 2(4)(a).</p> <p>Mae is-baragraffau 2(4)(a)(i) a (ii) yn gweithredu fel bod darparwr gwasanaeth o dan gyfyngiad nad yw'n gymwys at y rhan fwyaf o ddibenion yn cael ei drin fel pe bai'n bodloni'r gofynion nid-er-elw tra bo'r cyfnod trosiannol yn parhau, nid yw hyn yn wir pan fo'r darparwr hwnnw'n gwneud cais i ddarparu gwasanaeth rheoleiddiedig ychwanegol (neu amrywio ei gofrestriad i wneud hynny). Mae'r pŵer hwn yn caniatáu i Weinidogion Cymru bennu achosion eraill pryd y dylai darparwr o'r fath gael ei drin fel darparwr nad yw'n bodloni'r gofyniad nid-er-elw.</p>	

RHEOLIADAU YN YMWNEUD Â	Caniatáu i Weinidogion Cymru osod amodau ar ddarparwyr presennol gwasanaethau i blant dan gyfyngiad.
RHAN Y BIL	Pennod 1 o Ran 1
ADRAN	4(3)
DULL O DDWYN I RYM	Drafft cadarnhaol
DISGRIFIAD O'R RHEOLIADAU	
<p>Mae adran 4(3) yn mewnosod paragraff newydd arfaethedig 3(1), mewn Atodlen 1A newydd i Ddeddf 2016. Mae 3(1) yn nodi y caiff Gweinidogion Cymru drwy reoliadau wneud darpariaeth sy'n gosod amodau ar ddarparwr gwasanaeth y mae paragraff 2 yn gymwys iddo (darparwr presennol gwasanaethau plant o dan gyfyngiad yn ystod y cyfnod trosiannol).</p>	
Y BWRIAD POLISI A'R RHESWM DROS Y PŴER I WNEUD RHEOLIADAU	
<p>Bydd y pŵer yn caniatáu i Weinidogion Cymru osod amodau ar ddarparwyr gwasanaethau i blant o dan gyfyngiad presennol yn ystod y cyfnod trosiannol, gan gynnwys cyfyngiadau ar y math o wasanaeth y gallant ei ddarparu a'r disgrifiad o blant sy'n derbyn gofal y caniateir iddynt eu lletya.</p> <p>Gall hyn gynnwys gosod amodau i gyfyngu ar ddarparwyr sy'n ddarostyngedig i'r darpariaethau trosiannol i ddarparu lleoedd yn unig i blant y cymeradwywyd eu lleoliad gan Weinidogion Cymru o dan adran 81B o Ddeddf Gwasanaethau Cymdeithasol a Llesiant (Cymru) 2014, neu i gyfyngu ar yr amgylchiadau pan gaiff darparwyr o'r fath dderbyn lleoliadau gan awdurdodau lleol yn Lloegr (er enghraifft, i amgylchiadau lle mae angen lleoli brodyr a chwiorydd gyda'i gilydd). Gellid defnyddio'r pŵer hefyd i atal darparwyr sy'n ddarostyngedig i'r darpariaethau trosiannol rhag darparu lle i unrhyw blentyn newydd ar ôl dyddiad penodol. Bydd y weithdrefn gadarnhaol ddrafft yn cefnogi craffu ar yr amodau arfaethedig.</p>	

RHEOLIADAU YN YMWNEUD Â	Caniatáu i Weinidogion Cymru bennu'r wybodaeth a gynhwysir mewn cais, a ffurf y cais hwnnw, gan ddarparwr gwasanaethau o dan gyfyngiad am amrywio cofrestriad y darparwr hwnnw.
RHAN Y BIL	Pennod 1 o Ran 1
ADRAN	4(3)
DULL O DDWYN I RYM	Negyddol
DISGRIFIAD O'R RHEOLIADAU	
<p>Mae adran 4(3) yn mewnosod paragraff newydd arfaethedig 4(3), yn Atodlen 1A i Ddeddf 2016. Mae'r adran hon yn nodi bod yn rhaid i ddarparwr gwasanaeth i blant o dan gyfyngiad sy'n gwneud cais am amrywio cofrestriad ac sy'n endid nid-er-elw (yn unol â'r gofyniad yn adran 6A(1)) gynnwys yn ei gais unrhyw wybodaeth a ragnodir i fodloni Gweinidogion Cymru bod y person yn bodloni gofynion bod yn endid nid-er-elw, a bod cais ar y ffurf ragnodedig.</p> <p>Mae'r pŵer yn ymwneud â thasg weinyddol ei natur ac mae'r weithdrefn yn adlewyrchu hynny mewn perthynas â cheisiadau am amrywiad o dan a.11(3)(a)(iii) a (3)(b) Deddf 2016.</p>	
Y BWRIAD POLISI A'R RHESWM DROS Y PWER I WNEUD RHEOLIADAU	
<p>Bydd y pŵer yn caniatáu i Weinidogion Cymru bennu'r wybodaeth a gynhwysir mewn cais, a ffurf y cais, gan ddarparwr gwasanaethau o dan gyfyngiad am amrywio cofrestriad y darparwr hwnnw. Mae hyn yn sicrhau bod gan Weinidogion Cymru fynediad at yr wybodaeth sydd ei hangen arnynt er mwyn penderfynu ar gais i amrywio cofrestriad gan ddarparwr gwasanaethau i blant o dan gyfyngiad.</p> <p>Mae'n fwy priodol cynnwys gwybodaeth o'r fath mewn Rheoliadau. Mae'r sail resymegol yn gyson â'r hyn a nodir uchod ar gyfer y pŵer a fewnosodwyd gan adran 3(2) i fynnu'r wybodaeth gyfatebol ar gyfer ceisiadau am gofrestru.</p>	

RHEOLIADAU YN YMWNEUD Â	Caniatáu i Weinidogion Cymru ragnodi gwybodaeth am dystiolaeth sy'n berthnasol i'r prawf person addas a phriodol y mae'n rhaid ei gynnwys yn y datganiad blynyddol.
RHAN Y BIL	Pennod 1 o Ran 1
ADRAN	7(a)
DULL O DDWYN I RYM	Drafft cadarnhaol ar y defnydd cyntaf, ac wedi hynny negyddol (gweler adran 10(6) o Ddeddf 2016, ac adran 7(c)(ii) o'r Bil)
DISGRIFIAD O'R RHEOLIADAU	
<p>Mae adran 7(a) yn mewnosod paragraff arfaethedig (viiia) yn adran 10, is-adran (2)(a) Deddf 2016 yn ymwneud â'r datganiad blynyddol. Mae hwn yn nodi bod yn rhaid i ddatganiad blynyddol gynnwys unrhyw wybodaeth am dystiolaeth sy'n berthnasol i'r prawf person addas a phriodol a ragnodir.</p> <p>Mae'r pŵer yn adlewyrchu hynny mewn perthynas â datganiadau blynyddol dan a.10(2)(a)(ix) Deddf 2016.</p>	
Y BWRIAD POLISI A'R RHESWM DROS Y PŴER I WNEUD RHEOLIADAU	
<p>Bydd y pŵer yn caniatáu i Weinidogion Cymru ragnodi gwybodaeth am dystiolaeth sy'n berthnasol i'r prawf person addas a phriodol y mae'n rhaid ei gynnwys yn y datganiad blynyddol. Diben hyn yw bod yn rhan o'r sail dystiolaethol ar gyfer dyfarniadau ynghylch ffitrwydd y rhai sy'n gweithredu gwasanaethau i blant o dan gyfyngiad (er enghraifft mewn perthynas â thaliadau sy'n uwch na symiau a bennwyd neu i bersonau penodol neu ar gyfer mathau penodol o wasanaethau a allai fod wedi cael eu gwneud gan endid nid-er-elw).</p> <p>Mae'r wybodaeth hon yn briodol i'w chynnwys yn y Rheoliadau a byddai'n sail i Weinidogion Cymru fel rheoleiddiwr ymchwilio i weld a oedd y taliadau'n mynd yn groes i adran 9A oherwydd eu bod yn afresymol neu'n anghymesur. Bwriad y polisi yw y bydd rheoliadau'n cael eu defnyddio i sicrhau bod yr wybodaeth yn y datganiad blynyddol ac a ddefnyddir mewn perthynas â'r prawf person addas a phriodol yn gymesur, yn seiliedig ar ffeithiau, yn gyfredol ac yn gyson.</p>	

RHEOLIADAU YN YMWNEUD Â	Caniatáu i Weinidogion Cymru ragnodi gwybodaeth sydd i'w chynnwys mewn datganiad blynyddol er mwyn bodloni Gweinidogion Cymru bod y darparwr yn bodloni gofynion adran 6A(1) (ynghylch gofynion er mwyn cael ei gofrestru fel darparwr gwasanaethau i blant o dan gyfyngiad).
RHAN Y BIL	Pennod 1 o Ran 1
ADRAN	7(b)
DULL O DDWYN I RYM	Drafft cadarnhaol ar y defnydd cyntaf, ac wedi hynny negyddol (gweler adran 10 o Ddeddf 2016, ac adran 7(c)(iv) o'r Bil)
DISGRIFIAD O'R RHEOLIADAU	
<p>Mae adran 7(b) yn mewnosod paragraff arfaethedig 2A newydd ar ôl is-adran (2) yn adran 10 Deddf 2016 yn ymwneud â'r datganiad blynyddol. Mae'r adran hon yn nodi bod rhaid i ddatganiad blynyddol ar gyfer darparwr, ac eithrio awdurdod lleol, o wasanaeth i blant o dan gyfyngiad hefyd gynnwys unrhyw wybodaeth a ragnodir i fodloni Gweinidogion Cymru bod y person yn bodloni'r gofynion o ran bod yn endid nid-er-elw.</p> <p>Mae'r pŵer yn ymwneud â thasg weinyddol ei natur ac mae'r weithdrefn yn adlewyrchu hynny mewn perthynas â datganiadau blynyddol dan a.10(2)(a)(ix) Deddf 2016.</p>	
Y BWRIAD POLISI A'R RHESWM DROS Y PŴER I WNEUD RHEOLIADAU	
<p>Bydd y pŵer yn caniatáu i Weinidogion Cymru ragnodi gwybodaeth sydd i'w chynnwys mewn datganiad blynyddol er mwyn bodloni Gweinidogion Cymru bod y darparwr yn bodloni gofynion adran 6A(1) (ynghylch bod yn endid nid-er-elw). Pwrpas hyn yw bod yn rhan o'r sail dystiolaethol ar gyfer dyfarniadau ynghylch glynu wrth ofynion ar ran y rhai sy'n gweithredu gwasanaethau i blant o dan gyfyngiad mewn perthynas â'r math o ymgymerydd a nodir yn adran 3(3)(4) neu amcanion neu ddibenion y person.</p>	

RHEOLIADAU YN YMWNEUD Â	Caniatáu i Weinidogion Cymru ragnodi gwybodaeth i'w chynnwys mewn cais i amrywio cofrestriad darparwr i allu darparu gwasanaeth i blant o dan gyfyngiad.
RHAN Y BIL	Pennod 1 o Ran 1
ADRAN	8(2)
DULL O DDWYN I RYM	Negyddol
DISGRIFIAD O'R RHEOLIADAU	
<p>Mae adran 8(2) yn mewnosod is-adran (4) newydd arfaethedig ar ôl is-adran (3) yn adran 11 Deddf 2016 yn ymwneud â chais i amrywio cofrestriad fel darparwr gwasanaeth. Mae'n nodi bod yn rhaid i ddarparwr gwasanaeth i blant o dan gyfyngiad sydd am ddarparu gwasanaeth rheoleiddiedig nad yw eisoes wedi'i gofrestru i'w ddarparu. gynnwys hefyd, yn ei gais i amrywio ei gofrestriad unrhyw wybodaeth a ragnodir i fodloni Gweinidogion Cymru bod y person yn bodloni'r gofynion o fod yn endid nid-er-elw.</p> <p>Mae'r pŵer yn ymwneud â thasg weinyddol ei natur ac mae'r weithdrefn yn adlewyrchu hynny mewn perthynas â chais i amrywio cofrestriad fel darparwr gwasanaeth dan a.11(3)(a)(iii) y Ddeddf.</p>	
Y BWRIAD POLISI A'R RHESWM DROS Y PWER I WNEUD RHEOLIADAU	
<p>Bydd y pŵer yn caniatáu i Weinidogion Cymru ragnodi gwybodaeth sydd i'w chynnwys mewn cais i amrywio cofrestriad darparwr i allu darparu gwasanaeth i blant o dan gyfyngiad, er mwyn bodloni Gweinidogion Cymru bod y darparwr yn bodloni gofynion adran 6A(1) (ynghylch bod yn endid nid-er-elw). Pwrpas hyn yw bod yn rhan o'r sail dystiolaethol ar gyfer dyfarniadau ynghylch a yw darparwr yn gymwys i ddarparu gwasanaeth i blant o dan gyfyngiad.</p> <p>Mae'r sail resymegol yn gyson â'r hyn a nodir uchod ar gyfer y pŵer a fewnosodwyd gan adran 3(2) i fynnu'r wybodaeth gyfatebol ar gyfer ceisiadau am gofrestru.</p>	

RHEOLIADAU YN YMWNEUD Â	Caniatáu i Weinidogion Cymru ragnodi gwybodaeth sydd i'w chynnwys yng nghynlluniau digonolrwydd awdurdodau lleol, ynghylch darparwyr er elw sy'n darparu llety yng Nghymru neu yn Lloegr, yn y drefn honno, ac sy'n debygol o gael eu henwi mewn ceisiadau am gymeradwyo lleoliadau atodol
RHAN Y BIL	Pennod 1 o Ran 1
ADRAN	11
DULL O DDWYN I RYM	Negyddol
DISGRIFIAD O'R RHEOLIADAU	
<p>Mae adran 11 yn mewnosod adran 75A newydd yn Neddf 2014 yn ymwneud â pharatoi a chyhoeddi cynlluniau digonolrwydd blynyddol awdurdodau lleol. Mae is-adran (2)(d)(iii) a (iv) o'r adran 75A newydd yn darparu bod rhaid i gynlluniau digonolrwydd blynyddol gynnwys, mewn perthynas â cheisiadau am gymeradwyo lleoliadau atodol, wybodaeth sydd i'w rhagnodi mewn rheoliadau ynghylch darparwyr er-elw sy'n darparu llety yng Nghymru (is-adran (2)(d)(iii)), a gwybodaeth sydd i'w rhagnodi mewn rheoliadau ynghylch ddarparwyr er-elw sy'n darparu llety yn Lloegr (is-adran (2)(d)(iv)).</p>	
Y BWRIAD POLISI A'R RHESWM DROS Y PŴER I WNEUD RHEOLIADAU	
<p>Bydd y pŵer yn caniatáu i Weinidogion Cymru ragnodi gwybodaeth sydd i'w chynnwys yng nghynlluniau digonolrwydd awdurdodau lleol, ynghylch darparwyr er-elw sy'n darparu llety yng Nghymru neu ddarparwyr preifat sy'n darparu llety yn Lloegr, ac sy'n debygol o gael eu henwi mewn ceisiadau am gymeradwyo lleoliadau atodol. Gan fod disgwyl i ddarparwyr preifat yn Lloegr fod yn rhai er-elw ac nid-er-elw, efallai y bydd Gweinidogion Cymru yn dymuno cael gwybodaeth benodol am y math o endid yn yr achosion hynny.</p> <p>Bydd cynlluniau digonolrwydd yn hyrwyddo dull cydlynol o gynllunio a darparu gwasanaethau nid-er-elw yn unol ag anghenion lleol ac ailgydbwyso'r ddarpariaeth gofal a chymorth yn ehangach. Mae'r pŵer i ragnodi gwybodaeth am ddarparwyr er elw yng Nghymru a darparwyr preifat yn Lloegr sy'n debygol o gael eu henwi mewn ceisiadau am gymeradwyo lleoliadau atodol yn caniatáu dull deinamig o ymdrin â gofynion cynlluniau digonolrwydd y gellir eu haddasu i'r sefyllfa sy'n esblygu mewn perthynas â digonolrwydd darpariaeth nid-er-elw yng Nghymru.</p>	

RHEOLIADAU YN YMWNEUD Â	Caniatáu i Weinidogion Cymru ragnodi gwybodaeth arall sydd i'w chynnwys yng nghynlluniau digonolrwydd awdurdodau lleol.
RHAN Y BIL	Pennod 1 o Ran 1
ADRAN	11
DULL O DDWYN I RYM	Negyddol
DISGRIFIAD O'R RHEOLIADAU	
<p>Mae adran 11 (is-adran (2)(f) o'r adran 75A newydd sydd i'w mewnosod yn Neddf 2014 yn ymwneud â pharatoi a chyhoeddi cynlluniau digonolrwydd blynyddol awdurdodau lleol) yn nodi bod rhaid i gynlluniau digonolrwydd blynyddol gynnwys unrhyw wybodaeth arall a ragnodir gan reoliadau.</p>	
Y BWRIAD POLISI A'R RHESWM DROS Y PŴER I WNEUD RHEOLIADAU	
<p>Bydd y pŵer yn caniatáu i Weinidogion Cymru ragnodi gwybodaeth arall sydd i'w chynnwys yng nghynlluniau digonolrwydd awdurdodau lleol.</p> <p>Fel gyda phwerau gwneud rheoliadau eraill o ran cynlluniau digonolrwydd yn ehangach, bydd y cynlluniau hyn yn hyrwyddo dull cydlynol o gynllunio a darparu gwasanaethau nid-er-elw yn unol ag anghenion lleol ac ailgydbwyso'r ddarpariaeth gofal a chymorth yn ehangach. Mae'r pŵer i ragnodi gwybodaeth i'w chynnwys yng nghynlluniau digonolrwydd awdurdodau lleol yn caniatáu dull deinamig o ymdrin â gofynion cynlluniau digonolrwydd y gellir eu haddasu i'r sefyllfa sy'n esblygu mewn perthynas â digonolrwydd darpariaeth nid-er-elw yng Nghymru.</p>	

RHEOLIADAU YN YMWNEUD Â	Caniatáu i Weinidogion Cymru ragnodi ffurf cynlluniau digonolrwydd awdurdodau lleol.
RHAN Y BIL	Pennod 1 o Ran 1
ADRAN	11
DULL O DDWYN I RYM	Negyddol
DISGRIFIAD O'R RHEOLIADAU	
<p>Mae adran 11 (is-adran (3) o'r adran 75A newydd sydd i'w mewnosod yn Neddf 2014 yn ymwneud â pharatoi a chyhoeddi cynlluniau digonolrwydd blynyddol awdurdodau lleol) yn nodi bod rhaid i gynlluniau digonolrwydd blynyddol fod ar ffurf a ragnodir gan reoliadau.</p> <p>Mae'r pŵer yn ymwneud â thasg sy'n weinyddol ei natur.</p>	
Y BWRIAD POLISI A'R RHESWM DROS Y PŴER I WNEUD RHEOLIADAU	
<p>Bydd y pŵer yn caniatáu i Weinidogion Cymru ragnodi ffurf cynlluniau digonolrwydd awdurdodau lleol, tasg weinyddol ei natur.</p> <p>Yn unol â phwerau rheoleiddio eraill mewn perthynas â chynlluniau digonolrwydd, bydd y cynlluniau hyn yn hyrwyddo dull cydlynol o gynllunio a darparu gwasanaethau nid-er-elw yn unol ag anghenion lleol ac ailgydbwysu'r ddarpariaeth gofal a chymorth yn ehangach.</p>	

RHEOLIADAU YN YMWNEUD Â	Caniatáu i Weinidogion Cymru ragnodi gwybodaeth arall sydd i'w chynnwys mewn cais gan awdurdod lleol am leoliad atodol.
RHAN Y BIL	Pennod 1 o Ran 1
ADRAN	13(3)
DULL O DDWYN I RYM	Negyddol
DISGRIFIAD O'R RHEOLIADAU	
<p>Mae adran 13(3) (is-adran (3)(g) o adran 81B newydd sydd i'w mewnosod yn Neddf 2014 yn ymwneud â'r ffyrdd y mae plant sy'n derbyn gofal i gael eu lletya a'u cynnal, yn benodol mewn perthynas â chais am gymeradwyaeth i leoliad atodol) yn nodi bod rhaid i geisiadau gan awdurdodau lleol sy'n gwneud cais am leoliad atodol gynnwys unrhyw wybodaeth arall y gall Gweinidogion Cymru ei rhagnodi mewn rheoliadau.</p> <p>Mae'r pŵer yn ymwneud â thasg sy'n weinyddol ei natur.</p>	
Y BWRIAD POLISI A'R RHESWM DROS Y PŴER I WNEUD RHEOLIADAU	
Bydd y pŵer yn caniatáu i Weinidogion Cymru ragnodi gwybodaeth arall sydd i'w chynnwys mewn cais gan awdurdod lleol am leoliad atodol. Bydd hyn yn galluogi adolygu'r broses ymgeisio o bryd i'w gilydd a'i haddasu os bydd angen.	

RHEOLIADAU YN YMWNEUD Â	Dyletswydd i gyflwyno a chyhoeddi datganiad blynyddol
RHAN Y BIL	Pennod 2 o Ran 1
ADRAN	14
DULL O DDWYN I RYM	Negyddol
DISGRIFIAD O'R RHEOLIADAU	
Mae adran 14 yn mewnosod is-adran (4A) newydd yn adran 10 Deddf 2016. Mae is-adran (4A) yn bŵer i ganiatáu i Weinidogion Cymru ragnodi o fewn pa derfyn amser y mae'n rhaid cyhoeddi datganiad blynyddol.	
Y BWRIAD POLISI A'R RHESWM DROS Y PŴER I WNEUD RHEOLIADAU	
Bydd y Rheoliadau'n caniatáu i Weinidogion Cymru ragnodi o fewn pa derfyn amser y mae'n rhaid i ddarparwr gwasanaeth gyhoeddi datganiad blynyddol.	
Y bwriad yw defnyddio'r rheoliadau i ragnodi amserlen resymol ar gyfer cyhoeddi datganiadau blynyddol gan ddarparwyr gwasanaeth. Bydd hyn yn sicrhau bod gwybodaeth amserol a chyson ar gael i'r cyhoedd.	
Mae defnyddio rheoliadau yn hytrach na phennu amserlen ar wyneb y Ddeddf yn rhoi hyblygrwydd i addasu'r amserlen pe bai'n profi'n angenrheidiol yn ymarferol.	

RHEOLIADAU YN YMWNEUD Â	Cais i ganslo cofrestriad darparwr gwasanaeth: gwybodaeth i'w darparu
RHAN Y BIL	Pennod 2 o Ran 1
ADRAN	15
DULL O DDWYN I RYM	Negyddol
DISGRIFIAD O'R RHEOLIADAU	
<p>Mae adran 15 yn mewnosod is-adran (1A) newydd yn adran 14 Deddf 2016. Mae is-adran (1A)(a) yn bŵer i ganiatáu i Weinidogion Cymru ragnodi'r wybodaeth sy'n ofynnol gan ddarparwr gwasanaeth sy'n gwneud cais i ganslo ei gofrestrriad. Mae is-adran (1A)(b) yn bŵer i ganiatáu i Weinidogion Cymru ragnodi ffurf cais i ganslo.</p>	
Y BWRIAD POLISI A'R RHESWM DROS Y PŴER I WNEUD RHEOLIADAU	
<p>Bydd y Rheoliadau yn caniatáu i Weinidogion Cymru ofyn am wybodaeth benodol mewn fformat addas fel rhan o gais i ganslo cofrestriad darparwr gwasanaeth. Rhagwelir y bydd y rheoliadau hyn yn cael eu defnyddio i fynnu gwybodaeth gan ddarparwyr gwasanaeth sy'n dymuno canslo eu cofrestriad, yn nodi sut y byddant yn parhau i gydymffurfio â'r gofynion yn Rheoliadau Gwasanaethau Rheoleiddiedig (Darparwyr Gwasanaethau ac Unigolion Cyfrifol) (Cymru) 2017 nes bydd y gwasanaeth yn peidio â chael ei ddarparu. Bydd hyn yn sicrhau bod gan y rheoleiddiwr wybodaeth berthnasol am weithrediad y gwasanaeth a gofal unigolion sy'n defnyddio neu'n byw yn y gwasanaeth i gyflawni ei ddyletswyddau'n effeithiol yn ystod y cyfnod cau.</p> <p>Bydd defnyddio rheoliadau yn hytrach na phennu gofynion gwybodaeth ar wyneb y Ddeddf yn rhoi hyblygrwydd i amrywio'r gofynion gwybodaeth yn ôl y math o wasanaeth rheoleiddiedig ac yn diogelu'r gofynion i'r dyfodol, gan sicrhau eu bod yn parhau'n addas i'r diben.</p> <p>Bydd y rheoliadau hyn yn ategu'r pwerau gwneud rheoliadau yn adrannau 11(3) Deddf 2016 sy'n darparu pŵer gwneud rheoliadau cyfatebol i fynnu gwybodaeth ragnodedig pan wneir cais i amrywio cofrestriad darparwr gwasanaeth.</p> <p>Mae wedi dod yn amlwg yn ystod gweithrediad Deddf 2016 bod gwahaniaeth yn y gofynion gwybodaeth rhwng darparwyr gwasanaeth sy'n gwneud cais i amrywio eu cofrestriad (drwy dynnu un neu fwy o wasanaethau o'r cofrestriad) a'r rhai sy'n dymuno canslo eu cofrestriad yn ei gyfanrwydd a gadael y farchnad. Mae hyn yn llesteirio gallu'r rheoleiddiwr i gael sicrwydd ynghylch bwriadau'r darparwr i gefnogi diogelwch a llesiant parhaus unigolion sy'n defnyddio'r gwasanaeth nes iddo gau. Bydd y pŵer i wneud rheoliadau sy'n caniatáu i Weinidogion Cymru fynnu gwybodaeth gan ddarparwr gwasanaeth sy'n gwneud cais i ganslo ei gofrestrriad yn mynd i'r afael â'r bwch hwn yn y fframwaith rheoleiddio. Bydd yn cysoni'r dull gweithredu ar gyfer darparwyr gwasanaethau sy'n gadael y farchnad ag un y rheini sy'n amrywio eu cofrestriad.</p> <p>Bydd rhagnodi'r wybodaeth sy'n ofynnol mewn rheoliadau yn rhoi eglurder a sicrwydd i ddarparwyr gwasanaethau.</p>	

Mae'r pŵer i ragnodi ffurf cais i ganslo yn fater technegol ac mae'n sicrhau bod ceisiadau o'r fath yn addas i'r diben ac yn cynnwys y lefel angenrheidiol o fanylion er mwyn i'r rheoleiddiwr wneud penderfyniad.

RHEOLIADAU YN YMWNEUD Â	Galluogi Gweinidogion Cymru i ddarparu bod gweithwyr gofal plant (pobl sy'n cael eu cyflogi/gweithio i ddarparu gofal a goruchwyliaeth i blant gan berson sydd wedi'i gofrestru dan Ran 2 o Fesur Plant a Theuluoedd (Cymru) 2010) i'w trin fel gweithwyr gofal cymdeithasol.
RHAN Y BIL	Pennod 2 o Ran 1
ADRAN	18
DULL O DDWYN I RYM	Negyddol
DISGRIFIAD O'R RHEOLIADAU	
Bydd adran 18 yn diwygio adran 79 Deddf 2016 i roi pŵer i Weinidogion Cymru, drwy reoliadau, i ymestyn y diffiniad o weithwyr gofal cymdeithasol at ddibenion y Ddeddf i gynnwys gweithwyr gofal plant.	
Bydd y pŵer yn caniatáu i Weinidogion Cymru ddarparu bod gweithwyr gofal plant (personau sy'n cael eu cyflogi/gweithio (gan gynnwys gweithwyr asiantaeth) i ddarparu gofal a goruchwyliaeth i blant gan berson sydd wedi'i gofrestru dan Ran 2 Mesur Plant a Theuluoedd (Cymru) 2010 i'w trin fel gweithwyr gofal cymdeithasol.	
Y BWRIAD POLISI A'R RHESWM DROS Y PŴER I WNEUD RHEOLIADAU	

Byddai'r rheoliadau'n nodi bod gweithwyr gofal plant i'w trin fel gweithwyr gofal cymdeithasol. Bydd hyn yn darparu sail ffurfiol ar gyfer y cymorth y mae Gofal Cymdeithasol Cymru (GCC) yn ei ddarparu ar hyn o bryd i'r gweithlu gofal plant ac yn galluogi Gofal Cymdeithasol Cymru i gyflawni rhagor o swyddogaethau i gefnogi'r sector yn ei gyfanrwydd. .

Y nod yn y pen draw yw sicrhau bod pawb sy'n rhan o'r gweithlu gofal plant yn gallu cael cynnig cymorth parhaus gan gorff arbenigol. Bydd hyn yn digwydd mewn sawl ffordd, drwy ddenu, mynediad, recriwtio, cynefino a datblygu gyrfa. Nod Gofal Cymdeithasol Cymru bob amser yw datblygu gweithlu cymwysedig a medrus iawn gyda dull gweithredu sy'n canolbwyntio ar y plentyn wrth galon popeth a wnânt. Yn hanesyddol, mae Gofal Cymdeithasol Cymru wedi darparu cymorth i'r sector ac wedi cael cyllid i wneud hynny, bydd gwneud rheoliadau'n darparu sail gyfreithiol ar gyfer hyn.

Byddai'r rheoliadau'n nodi bod gweithwyr gofal plant i gael eu trin fel gweithwyr gofal cymdeithasol, ac yn darparu sail gyfreithiol ar gyfer y cymorth y mae GCC yn ei ddarparu i'r gweithlu gofal plant.

Er nad oes gwahaniaeth cyfreithiol rhwng pobl sy'n gweithio/cael eu cyflogi mewn lleoliadau gofal dydd a chwarae (mae lleoliadau chwarae'n cael eu cynnwys o fewn ystyr gofal dydd yn adran 19 y Mesur), yn ymarferol, nid yw'r cymorth a

ddarperir gan GCC wedi'i ymestyn i bobl sy'n gweithwyr chwarae (gweithwyr chwarae). Bwriedir i unrhyw reoliadau a wneir yn unol â'r ddeddf hyn ffurfioli'r gefnogaeth a ddarperir ar hyn o bryd gan GCC i'r sector ac yn sicrhau bod hyn yn cael ei ddarparu i'r sector cyfan (gan gynnwys gweithwyr chwarae)	Galluogi Weinidogion Cymru i wneud rheoliadau a wneir yn unol â'r ddeddf hyn i awdurdodau lleol wneud taliadau uniongyrchol tuag at ddiwallu anghenion oedolion, plant neu ofalwyr, gan ddisodli'r pŵerau presennol yn adrannau 50 i 52 a 53(11) o Ddeddf 2014 ac Atodlen A1 iddi.
RHEOLIADAU YN YMWNEUD Â	
RHAN Y BIL	Pennod 2 o Ran 1
ADRAN	20
DULL O DDWYN I RYM	Negyddol
DISGRIFIAD O'R RHEOLIADAU	
Mae'r pŵer hwn yn disodli'r pŵerau presennol yn adrannau 50 i 52 a 53(11) o Ddeddf 2014 ac Atodlen A1 iddi, gan ganiatáu i Weinidogion Cymru wneud rheoliadau i'w gwneud yn ofynnol neu ganiatáu i awdurdodau lleol wneud taliadau uniongyrchol tuag at ddiwallu anghenion oedolion, plant neu ofalwyr di-dâl.	
BETH ALL Y RHEOLIADAU EI GYFLAWNI?	
Mae adran 50 o Ddeddf 2014 (taliadau uniongyrchol i ddiwallu anghenion oedolyn) yn cynnwys pŵer i wneud rheoliadau i Weinidogion Cymru ei gwneud yn ofynnol neu ganiatáu i awdurdod lleol wneud taliadau uniongyrchol i berson tuag at gostau diwallu anghenion oedolyn am ofal a chymorth dan adran 35 neu 36 o'r Ddeddf. Ar hyn o bryd mae adran 50 yn caniatáu i'r awdurdod lleol wneud taliad uniongyrchol mewn perthynas ag anghenion oedolyn naill ai oedolyn sydd â galluedd meddyliol, neu "unigolyn addas" os nad oes gan yr oedolyn alluedd meddyliol.	
Bydd rheoliadau a wneir o dan yr adran 49A newydd ac adran 50 a amnewidiwyd hefyd yn caniatáu i awdurdodau lleol wneud taliadau uniongyrchol i berson enwebedig (unigolyn neu gorff) pan fo gan oedolyn cymwys alluedd meddyliol, ar yr amod bod yr oedolyn a'r person a enwebir yn rhoi caniatâd.	
Bydd rheoliadau a wneir o dan yr adran 49A newydd ac adran 51 a amnewidiwyd yn Neddf 2014 yn galluogi taliadau uniongyrchol i bersonau a enwebir mewn amgylchiadau tebyg mewn perthynas ag anghenion plentyn am ofal a chymorth dan adrannau 37, 38 neu 39.	
Bydd rheoliadau o dan yr adran 49A newydd ac adran 52 a amnewidiwyd o'r Ddeddf yn galluogi taliadau uniongyrchol i gael eu gwneud i berson enwebedig mewn perthynas â darparu cymorth i ofalwr (di-dâl)	
Y BWRIAD POLISI A'R RHESWM DROS Y PŴER I WNEUD RHEOLIADAU	
Mae'n ofynnol i'r rheoliadau ganiatáu i awdurdodau lleol wneud taliadau uniongyrchol i bobl enwebedig er mwyn iddynt allu rheoli taliadau uniongyrchol ar ran oedolion sydd â galluedd, plant a gofalwyr di-dâl lle mae yr unigolyn sydd â hawl i'r taliadau a'r person a enwebwyd i'w derbyn wedi rhoi caniatâd.	

RHEOLIADAU YN YMWNEUD Â	Galluogi Gweinidogion Cymru i wneud rheoliadau dan bwerau yn Atodlen A1 a amnewidiwyd i Ddeddf 2014 (a gyflwynir gan adran 53A newydd) i'w gwneud yn ofynnol neu ganiatáu i awdurdodau lleol wneud taliadau uniongyrchol mewn perthynas â pherson y mae adran 117 o Ddeddf Iechyd Meddwl 1983 (ôl-ofal) yn gymwys iddo, yn lle darparu neu drefnu i ddarparu gwasanaethau ôl-ofal. Mae hyn yn disodli pwerau cyfatebol yn Atodlen A1 bresennol i Ddeddf 2014 ac adrannau 50, 51 a 53(11) o Ddeddf 2014.
RHAN Y BIL	Pennod 2 o Ran 1
ADRAN	20
DULL O DDWYN I RYM	Negyddol
DISGRIFIAD O'R RHEOLIADAU	
Mae'r pŵer i wneud rheoliadau yn Atodlen A1 a amnewidiwyd i Ddeddf 2014 (a gyflwynir gan adran 53A newydd) yn galluogi Gweinidogion Cymru i wneud rheoliadau i'w gwneud yn ofynnol neu ganiatáu i awdurdodau lleol wneud taliadau uniongyrchol mewn perthynas â pherson y mae adran 117 o Ddeddf Iechyd Meddwl 1983 (ôl-ofal) yn gymwys iddo, yn lle darparu neu drefnu i ddarparu gwasanaethau ôl-ofal. Mae hyn yn disodli pwerau cyfatebol yn Atodlen A1 bresennol i Ddeddf 2014 ac adrannau 50, 51 a 53(11) o Ddeddf 2014.	
Y BWRIAD POLISI A'R RHESWM DROS Y PŴER I WNEUD RHEOLIADAU	
Bydd y rheoliadau'n galluogi awdurdodau lleol i wneud taliadau uniongyrchol yn lle gwasanaethau ôl-ofal i bobl sy'n gymwys i dderbyn ôl-ofal o dan adran 117 o Ddeddf Iechyd Meddwl 1983, neu i berson a enwebir gan y person sy'n gymwys i dderbyn ôl-ofal dan adran 117 o'r Ddeddf, pa un a yw'r person sy'n gymwys i dderbyn ôl-ofal yn meddu ar y gallu i gydsynio i'r taliadau gael eu gwneud ai peidio.	

RHEOLIADAU YN YMWNEUD Â	Galluogi Gweinidogion Cymru i wneud darpariaeth a fydd yn ei gwneud yn ofynnol neu'n galluogi Byrddau Iechyd Lleol i wneud taliadau uniongyrchol dan adran 117 o Ddeddf Iechyd Meddwl 1983
RHAN Y BIL	Rhan 2
ADRAN	24
DULL O DDWYN I RYM	Drafft cadarnhaol ar y defnydd cyntaf, ac wedyn negyddol
DISGRIFIAD O'R RHEOLIADAU	
<p>Mae adran 24(2) yn mewnosod adran 10B newydd "Taliadau uniongyrchol am ofal iechyd" yn Neddf y Gwasanaeth Iechyd Gwladol (Cymru) 2006 (Deddf 2006) sy'n rhoi'r pŵer i Weinidogion Cymru wneud taliadau uniongyrchol yn lle darparu gwasanaethau dan y Ddeddf honno.</p> <p>Mae'r adran 10B(5) newydd yn galluogi Gweinidogion Cymru i wneud rheoliadau a fydd yn ei gwneud yn ofynnol i Fyrdau Iechyd Lleol wneud taliadau uniongyrchol i unigolion neu i berson a enwebir ganddynt, yn lle darparu gwasanaethau ôl-ofal y mae ganddynt ddyletswydd i'w darparu dan adran 117 o Ddeddf Iechyd Meddwl 1983 (Deddf 1983).</p>	
Y BWRIAD POLISI A'R RHESWM DROS Y PŴER I WNEUD RHEOLIADAU	
<p>Byddai'r rheoliadau'n galluogi Byrddau Iechyd Lleol i wneud taliadau uniongyrchol i unigolion, neu i berson a enwebir ganddynt, yn lle gwasanaethau ôl-ofal sy'n ofynnol ac a fyddai'n cael eu trefnu gan y Bwrdd Iechyd Lleol ar ôl i'r unigolyn gael ei ryddhau o'r ysbyty mewn achosion lle byddant wedi cael eu cadw'n gaeth o dan adrannau 3, 37, 45A, 47 neu 48 o Ddeddf 1983.</p> <p>Mae adran 117 o Ddeddf 1983 yn gosod dyletswydd ar Fyrdau Iechyd Lleol i ddarparu gwasanaethau ôl-ofal i unigolion sy'n gymwys os ydynt wedi cael eu cadw'n gaeth o dan yr adrannau penodedig o Ddeddf 1983. Heb y pŵer hwn, ni fyddai Byrddau Iechyd Lleol yn gallu gwneud taliadau uniongyrchol i unigolion sydd wedi cael eu rhyddhau o'r ysbyty ar ôl cael eu cadw o dan adrannau penodedig Deddf 1983, yn lle'r Bwrdd Iechyd Lleol sy'n trefnu neu'n darparu gwasanaethau i ddiwallu anghenion y person hwnnw am wasanaethau ôl-ofal. Mae'r pwerau'n sicrhau cysondeb rhwng unigolion sydd â hawl i dderbyn gwasanaethau ôl-ofal dan Ddeddf 1983 a'r rhai sy'n derbyn gwasanaethau'r GIG dan Ddeddf 2006.</p> <p>Mae Deddf 1983 hefyd yn gwneud darpariaeth i unigolion dderbyn gwasanaethau ôl-ofal a ariennir gan awdurdod lleol; ar hyn o bryd mae unigolion o'r fath yn gallu derbyn taliadau uniongyrchol a ariennir gan yr awdurdod lleol yn lle darparu gofal a chymorth dan Ddeddf 2014 yn rhinwedd rheoliadau a wnaed dan y Ddeddf honno.</p> <p>Bydd rheoliadau a wneir dan yr adran 10B(5) newydd o Ddeddf 2006 yn galluogi person o'r fath i dderbyn taliadau uniongyrchol yn lle gwasanaethau i ddiwallu eu</p>	

hanghenion asesedig am ôl-ofal, boed am ofal a Calhyni Gweirid Ddeddf 2014 neu ofal iechyd dan Ddeddf 2006.	neu wneud darpariaeth i nodi manylion sut y bydd angen i daliadau uniongyrchol a wneir yn lle darparu gwasanaethau'r GIG weithredu.
RHEOLIADAU YN YMWNEUD Â	
RHAN Y BIL	Pennod 2
ADRAN	24
DULL O DDWYN I RYM	Negyddol
DISGRIFIAD O'R RHEOLIADAU	
Mae adran 24(2) yn mewnosod adran 10C newydd (rheoliadau ynghylch taliadau uniongyrchol) yn Neddf 2006. Byddai'r pŵer yn galluogi Gweinidogion Cymru i wneud darpariaeth i nodi manylion sut y bydd angen i daliadau uniongyrchol a wneir yn lle darparu gwasanaethau'r GIG weithredu.	
Y BWRIAD POLISI A'R RHESWM DROS Y PŴER I WNEUD RHEOLIADAU	
Bydd taliadau uniongyrchol yn darparu ffordd arall o ddiwallu anghenion oedolion sy'n gymwys i gael Gofal Iechyd Parhaus y GIG. Yn hytrach na darparu neu drefnu i'w hanghenion gael eu diwallu'n uniongyrchol, byddai taliad uniongyrchol yn galluogi'r derbynnydd, neu berson enwebedig sy'n gweithredu ar ei ran, i drefnu'r gofal ei hun. Mae hyn yn rhoi mwy o ddewis a rheolaeth i'r derbynnydd dros sut mae ei anghenion yn cael eu diwallu.	
Mae'n ofynnol i'r rheoliadau sicrhau bod Byrddau Iechyd Lleol, ar ran Gweinidogion Cymru, yn gallu gwneud taliad uniongyrchol i dderbynnyddion neu eu cynrychiolwyr o fewn fframwaith clir, sy'n fanwl, ac efallai y bydd angen ei newid wrth i amgylchiadau ehangach newid. Bydd y rheoliadau'n gwneud darpariaeth ynghylch pwy a all fod yn gymwys i dderbyn taliadau uniongyrchol, yn nodi'r amgylchiadau pryd y gall taliadau uniongyrchol fod ar gael, y gwasanaethau y caniateir neu na chaniateir eu defnyddio ar eu cyfer a manylion y trefniadau sy'n ofynnol i weinyddu taliadau o'r fath.	
Mae adran 10C yn cynnwys y pŵer i wneud rheoliadau ac mae'n cynnwys rhestr anghyflawn o'r math o ddarpariaeth a allai gael ei gwneud gan ddefnyddio'r pŵer hwn.	
Bwriedir i Weinidogion Cymru wneud rheoliadau dan y pwerau presennol yn Neddf 2006 i gyfarwyddo Byrddau Iechyd Lleol i arfer swyddogaethau mewn perthynas â gwneud taliadau uniongyrchol ar eu rhan.	

RHEOLIADAU YN YMWNEUD Â	Galluogi Gweinidogion Cymru i wneud darpariaeth sy'n ddeilliadol, neu'n atodol, neu'n ganlyniadol i unrhyw ddarpariaeth yn y Ddeddf hon ac i wneud darpariaeth drosiannol neu ddarpariaeth arbed mewn cysylltiad ag unrhyw ddarpariaeth yn y Ddeddf hon.
RHAN Y BIL	Rhan 3
ADRAN	28
DULL O DDWYN I RYM	Negyddol os yw'n diwygio neu'n dirymu is-ddeddfwriaeth. Drafft cadarnhaol os yw'n diwygio neu'n diddymu deddfwriaeth sylfaenol.
DISGRIFIAD O'R RHEOLIADAU	
Galluogi Gweinidogion Cymru i wneud darpariaeth sy'n ddeilliadol, neu'n atodol, neu'n ganlyniadol i unrhyw ddarpariaeth yn y Ddeddf hon ac i wneud darpariaeth drosiannol neu ddarpariaeth arbed mewn cysylltiad ag unrhyw ddarpariaeth yn y Ddeddf hon.	
Y BWRIAD POLISI A'R RHESWM DROS Y PŴER I WNEUD RHEOLIADAU	
<p>Mae angen y pŵer hwn i sicrhau y bydd unrhyw ddarpariaeth newydd a wneir yn y Ddeddf neu yn rhinwedd y Ddeddf yn gallu ffitio i mewn i'r fframwaith deddfwriaethol presennol.</p> <p>Mae'n ofynnol i'r rheoliadau hyn ganiatáu i Weinidogion Cymru wneud darpariaethau deilliadol, atodol, canlyniadol, trosiannol neu ddarpariaethau arbed os ystyrir ei bod yn angenrheidiol at ddibenion rhoi effaith lawn i ddarpariaethau'r Bil. Mae'n debygol y byddai newidiadau o'r fath yn gymharol fach, a bydd eu gwneud drwy reoliadau yn rhoi hyblygrwydd priodol i ddarpariaethau o'r fath gael eu gwneud heb fod angen diwygio deddfwriaeth sylfaenol bob tro.</p> <p>Os bydd y rheoliadau'n diwygio neu'n diddymu unrhyw ddarpariaeth mewn deddfwriaeth sylfaenol, yna byddant yn ddarostyngedig i'r weithdrefn gadarnhaol ddrafft. Fel arall, byddant yn ddarostyngedig i'r weithdrefn negyddol.</p>	